

REGLUGERÐ

17

5. febr.

um breytingu á starfsreglum fyrir öryggiseftirlit ríkisins, nr. 21 18. febr. 1953.

1. gr.

10. gr. starfsreglnanna orðist þannig:

Að lokinni fyrstu skoðun fyrirtækis ár hvert, gefur öryggiseftirlitið út reikning fyrir eftirlitsgjaldi fyrirtækisins og afhendir hann viðkomandi lögreglustjóra (tollstjóranum í Reykjavík) til innheimtu.

Hafi athugasemdir verið gerðar við öryggisbúnað eða hollustuháttu fyrirtækis við fyrstu skoðun á árinu, skal fyrsta eftirskoðun, sem framkvæmd er að umbóta-fresti liðnum, framkvæmd eiganda fyrirtækisins að kostnaðarlausu. Hafi verið vanrækt að framkvæma fyrirskipaðar umbætur, svo þeim sé ekki lokið, þegar eftirskoðun er gerð og eftirlitsmaður veitir nýjan frest til umbótanna, skal eigandi fyrirtækis greiða fullt gjald fyrir hverja skoðun, sem gera þarf umbótanna vegna, umfram fyrstu eftirskoðun. Þurfi eftirlitsmaður að takast ferð á hendur vegna slíkra eftirskoðana, skal eigandi fyrirtækisins einnig greiða allan ferðakostnaðinn.

Ef aukaskoðun er gerð að ósk eiganda fyrirtækis, vegna umbóta eða breytinga, sem hann hyggst gera eða hefur þegar framkvæmt, framkvæmir eftirlitið slíka skoðun, án þess að greiða þurfi gjald fyrir.

2. gr.

Ákvæði þessi öðlast þegar gildi.

Breyting þessi er hér með sett samkvæmt lögum nr. 23 1. febr. 1952, um öryggisráðstafanir á vinnustöðum, og birtist til eftirbreytni öllum þeim, sem hlut eiga að máli.

Samgöngumálaráðuneytið, 5. febrúar 1955.

Ingólfur Jónsson.

Páll Pálmason.

REGLUGERÐ

18

7. febr.

um holræsi í Seltjarnarneshreppi.

1. gr.

Þegar hreppurinn hefur látið leggja holræsi í veg, götu eða annað opið svæði, er þeim húseigendum, er þar eiga hús að eða í námunda við og í holræsið geta náð, skylt að leggja á sinn kostnað ræsi frá húsinu, er flytji allt skolp frá því út í aðalræsið ásamt rigningarvatni, ef hægt er að koma því við. Vanræki einhver að láta gera holræsi innan hæfilegs frests, sem hreppsnefnd setur, getur hún látið vinna verkið á kostnað húseiganda.

2. gr.

Öll framkvæmdastörf, sem aðalholræsakerfi hreppsins varða, svo sem viðhald, endurbætur, viðauka og umsjón alla, annast oddviti eða maður, sem hreppsnefnd kann að fela það. Þóknun fyrir þau störf, og einnig fyrir reikningshald eða annað vegna holræsagerðarinnar ákveður hreppsnefnd.

- 18** Engum er heimilt að leggja ræsi í aðalræsi, nema að fengnu leyfi ofangreindra
7. febr. aðila, og er mönnum skylt að hlíta fyrir mælum þeirra um gerð og legu ræsis og annað það, er máli skiptir í sambandi við það.

3. gr.

Kostnaður allur við aðalholræsakerfið greiðist úr hreppssjóði. Til þess að standast þann kostnað, ber hverjum húseiganda, sem á hús við götu, veg eða opið svæði, þar sem holræsi er lagt í, að greiða tengigjald um leið og hann tengir við aðalræsið, er nemur 2% af fasteignamati hússins, en þó ekki lægra en kr. 300.00.

Auk tengigjalds greiðir hver húseigandi í holræsagjald til hreppsins árlega af hverju húsi 1% af fasteignamati þess.

4. gr.

Hið árlega holræsagjald, sem og tengigjald, getur hreppsnefnd hækkað eða lækkað um allt að 50% án staðfestingar ráðuneytisins.

5. gr.

Húseigandi ber ábyrgð á greiðslu tengigjalds og holræsagjalds gagnvart hreppsnefnd. Kröfur, sem hreppsnefnd kann að öðlast samkv. 1. og 3. gr., má taka lögtaki á kostnað gjaldanda, og eru gjöld þessi tryggð með lögveði í húseigninni í næstu 2 ár eftir gjalddaga með forgangsveði fyrir hvers konar sammingsveði og aðfararveði. Gjaldalagi holræsagjalds er 1. júlí ár hvert, er greiðist oddvita.

6. gr.

Brot gegn reglugerð þessari varða sektum allt að kr. 500.00, nema þyngri refsing liggji við að lögum.

Með mál út af reglugerð þessari skal farið sem almenn lögreglumál.

Reglugerð þessi, sem hreppsnefnd Seltjarnarneshrepps hefur samið og samþykkt og gerð er samkvæmt lögum nr. 15. 20. júní 1923, staðfestist hér með til að öðlast þegar gildi og birtist til eftirbreytni öllum þeim, sem hlut eiga að máli.

Félagsmálaráðuneytið, 7. febrúar 1955.

Steingrímur Steinþórsson.

Hjálmar Vilhjálmsson.

19

16. febr.

REGLUGERÐ**um holræsagerð í Kópavogshreppi.**

1. gr.

Þegar hreppurinn hefur látið leggja holræsi í veg, götu eða annað opið svæði, er þeim húseigendum, er þar eiga hús að eða í námunda við og í holræsið geta náð, skylt að leggja á sinn kostnað ræsi frá húsinu, er flytji allt skolp frá því út í aðalræsið ásamt rigningarvatni, ef hægt er að koma því við. Vanræki einhver að láta gera holræsi innan hæfilegs frests, sem hreppsnefnd setur, getur hún látið vinna verkið á kostnað húseiganda.

2. gr.

Öll framkvæmdastörf, sem holræsakerfi hreppsins varða, svo sem viðhald, endurbætur og umsjón alla, annast hreppsnefnd eða maður, sem hún felur það.